



Pa mas informashon

Ofisina Sentral di Statistik

WTC, Piscadera Bay z/n

Tel: 839 2300

WhatsApp: 5202227

E-mail: info@cbs.cw

www.cbs.cw

Facebook: cbscur

KOMUNIKADO DI PRENSA

Willemstad, 19 desèmber 2024

CBS ta presentá resultadonan di Enkuesta di Koyuntura pa aña 2023

Willemstad - Ofisina Sentral di Statistik (CBS) a organisá na luna di novèmber 2023 Enkuesta di Koyuntura na Kòrsou. E meta di e Enkuesta di Koyuntura akí ta pa kolektá informashon aktualisá tokante desaroyo di negoshi i desaroyo ekonómiko den tur sektor i industria. Además, e enkuesta ta kolekta opinión riba entre otro, konfiansa di empresarionan tokante desaroyo ekonómiko i klima di invershon.

Algun resultadonan di Enkuesta di Koyuntura pa aña 2023 ta:

- Empresarionan a raporta un mehorashon den konfiansa ekonómiko durante 2023 kompará ku añanan anterior. E porsentahe di empresario ku a indiká un bahamentu di konfiansa a baha konsiderabel di 18 porshento pa 10 porshento, markando un nivel mas abou histórikamente. Seguidamente, empresarionan a indika un kresementu den konfiansa ekonomiko di 25 porshento na 2022 pa 32 porshento na 2023.
- E porshento di kompanianan ku ta ekspresá konfiansa den futuro a subi di 62 porshento pa mas ku 73 porshento kompará ku 2022. Además, e porshento di kompanianan ku ta indiká di no tin konfiansa den futuro a baha di 12 porshento pa 8 porshento.

- Kompará ku 2022, e porshento di kompanianan ku a indiká un bahada den ingreso, a subi di 23 porshento pa 33 porshento na 2023. Di otro banda, e porshento di kompanianan ku a indiká un auméntu den ingreso a baha di 59 porshento pa 48 porshento.
- E índise di koyuntura basá riba e sifranan di konfiansa den futuro, persepshon di klima di invershon i desaroyo di benta ta indiká 114 na aña 2023, esaki ta 13 punto mas tantu ku 2022.
- Den 2023, 69 porshento di kompanianan a indiká ku nan a logra un resultado positivo den nan negoshi. Esaki ta representá un oumento di 5 porshento kompará ku 2022 (64 porshento) i un oumento di 12 porshento kompará ku 2021 (57 porshento). Además, 31 porshento di e kompanianan enkuestá ta spera raportá un resultado negativo, un bahada di 3 porshento kompará ku 2022 (34 porshento).

Pa mas informashon por download e relato kompleto di e resultadonan di Enkuesta di Koyuntura pa aña 2023 via di pagina inisial di e wèpsait di CBS www.cbs.cw

CBS ke gradisí tur e empresanan ku a yena e formulario. Sin nan yudansa CBS lo no por publiká e sifranan ariba menshoná.

////////////////////////////////////